



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 97. Papa Florentia Bononiam & Ferrariam profectus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV. gesimo sexto typis edita prodiit. Exstat
 A C. 1459. quoque ejusdem Summa Theologica in
 Germania iterato prælo excusa, opus
 plane ceteris præstantius, magisque elabo-
 ratum, quod in quatuor partes divi-
 sum, ab ipso Autore paucis ante obitum
 suum annis secundis curis recognitum
 fuit. Scripsit præterea aliam summam
 casuum conscientiae; Tractatum de ex-
 communicatione, aliisque censuris eccle-
 siasticis; Trialogum de duobus discipulis
 euntibus in Emaus, ac denique Tracta-
 tum de virtutibus, & notis donationis
 a Constantino factæ.

§. XCVII.

*Papa Florentia Bononiam &
 Ferrariam profectus.*

Papa, justis Sancto Antonino, perso-
 lutis, Florentia Bononiam venit,
 quæ urbs erat Romanæ Ecclesiæ do-
 minio subjecta, frequenter tamen sum-
 mis Pontificibus rebellis, & nequidem
 eo tempore iisdem plena submissione ad-
 dicta. Quapropter Pius Papa haud diu-
 turnam ibidem trahens moram, brevi
 Ferrariam contendit, ubi perhonorifice
 exceptus est a Borsio Estensi Marchione,
 qui vulgo *Borsius Nothus* appellatus uxo-
 rem nunquam ducere voluit, ut Princi-
 patum Herculi Fratri suo debitum, quem
 usur-

*Brutus lib 5.
 Hist. Flor.*

usurpaverat, post obitum suum legitimo hæredi relinqueret. Marchio se a Pontifice Ducem Ferrariæ, sine tributo, atque censu creandum, colendumque sperabat, verum sua eum spes fefellit; hanc enim prærogativam primum Paulo II. regnante obtinuit. Ibidem nonnulli scientia præstantiores Viri eo tempore Ferrariam confluebant, ac Pii II. merita dignis elogiis, atque orationibus celebrarunt. Hos inter præter alios plures eminuere Guarinus patria Veronensis, qui tum literas humaniores græcas, atque latinas magno cum auditorum applausu docebat, necnon Joannes Aurispa Sículus, qui prope nonagenarius omni scientiarum genere excultus floruit.

Sæcul. XV.
A. C. 1459.

§. XCVIII.

Poggii Florentini obitus.

Hoc anno die vigesima nona Octobris Poggius Bracciolinus, qui Terræ novæ in Florentinorum ditione supra millesimum trecentesimo octogesimo erat natus, & a Cosma Medicæo Florentiam accitus, ibidem vivere desiit; Hic ad posteros transmisit relationem supplicii Hieronymi Pragensis, quam ad Leonardum Aretinum perscripsit. Exstat illa apud Gratium in ejus Fasciculo, Vonder-Hartium, & alios. Scripsit præ-

*Comment. Pii II. lib. 2.
Paul. Jov. in Elog.
In Fascic. rerum tom. I. ult. edit.*

Hist. Eccles. Tom. XXVIII. P p terea